

¿Tien que se cambiar la política enerxética y medioambiental? Proyeutos como'l superpuertu del Musel o les llinies d'alta tensión convierten Asturias nun basureru enerxéticu. Mientres, la subordinación del mundiu rural a los intereses de les multinacionales de l'agroquímica faimos perder la nuesa soberanía alimentaria, el nuesu drechu a decidir los alimentos que producimos y cómo los repartimos.

¿Necesitamos otru modelu urbanísticu? La especulación urbanística, el turismu depredador, l'AVE o l'autovía del Cantábricu faen cada vez más inhabitables les nuses ciudaes y pueblos. Ello ye que los fondos mineros sirvieron namás para construyir les pontes y les autopistes colos qu'escapar del ermu industrial que dexaron al so pasu les empreses subvencionaes nes cuenques mineres.

VAMOS LLEVAR LA CABEZA

El 22 de mayu qu'entra son les elecciones autonómiques y a Conceyos. Nun podemos consentir que sían unes elecciones más, como si nun tuviere pasando nada. Reducir la nuesa participación a un votu ye lo mesmo que reducir la nuesa vida social al tique de la compra.

Nun podemos seguir asina. Necesitamos para-yos los pies y pa eso tenemos que poner los nuestos en marcha. Poro, CSI, SUATEA, CGT y CNT-Uviéu convocamos pal sábadu 14 de mayu, n'Uviéu, un día de movilización xeneral contra la política económica, llaboral y social del gobiernu, pa que s'escuche la nuesa voz de trabayadores.

Sal a la cai enantes de que te dexen nella

Vamos llevar cabeza

Sal a la cai enantes
que te dexen nella.



Uviéu
14 Mayu

Marches 10:30 h	Pola ecoloxía social: Salida: Nuevu Hospital (al final de la cai Amsterdam) Marcha contra la esclusión social y el racismu, la corrupción política y la especulación urbanística, la desapaición del mundu rural, la destrucción de mediuambiente y l'esmatelamientu les cuenques mineres.	Contra'l Pactu social: Salida: Facultá de melecina (cai Julián Clavería) Marcha contra la reforma llaboral y el pensionazu, el despidu llibre y la contención salarial, los recortes sociales y la privatización de servicios, la precariedá y l'acumulación capitalista
----------------------------------	--	--

13:00 h MANIFESTACIÓN
Salida: Estación del Norte (RENFE)

14:00 h CONSULTA POPULAR, xinta y música alrodiu la Xunta xeneral

Necesitamos la to respuesta

Cuantayá que les y los trabayadores venimos sufriendo les consecuencias d'una crisis de la que nun somos culpables. **Nun te vamos cuntar lo que yá sabes de sobra**, pero sí queremos reflexonar sobre cómo podemos responder de forma coeutiva.

LA CRISIS, TOU UN ÉSITU

Los mercaos nun voten, pero sí deciden. Nun son de carne y güesu, pero baxo la so amenaza esplótenmos, despídenmos, déxenmos ensin calefacción o danmos comida basura. Con esta disculpa, n'Asturies llevamos 30 años soportando polítiques d'esceición que fixeron les nuses vides mucho más precaries.

La “crisis” ye'l negociu más rentable, que fai a los ricos más ricos y a los probes más... depresivos. Porque'l problema nunca foi namás el dineru. Siguen en xuegu la nuesa dignidá y les nuses ilusiones, anque nun coticen en bolsa.

L'ausencia d'una respuesta organizada frente al desemplegu y la precariedá nun se pue entender ensin una invitación constante a emigrar o a deprimise. Por eso destruyen los nesos llazos sociales, la nuesa capacidá de resistencia y l'entornu nel que vivimos, too al mesmu tiempu.

TOCA FALAR DE LO QUE YÁ NUN CABE EN NENGÚN PANFLETU

Estes son dalgunes de les preguntes que nun van apaecer en nenguna papeleta electoral, porque los que provocaron la crisis yá tienen la respuesta. Nós queremos plantegales con una consulta popular que reabra l'alderique y mos devuelva la capacidá de decisión:

¿Tas d'alcuertu cola reforma llaboral? Dempués d'esmantelar tol texíu industrial asturianu, empeoraron les nuses condiciones de trabayu a golpe de reforma pactada con CC.OO. y UXT. Agora'l despidu va ser gratuitu y van recortar les ayudas sociales pa mantener los beneficios empresariales. Too ello va perxudicar especialmente a les muyeres, que van siguir asumiendo la mayor parte de les xeres que'l mercáu nun reconoz pero que-y son imprescindibles.

¿Tien que s'aumentar la edá de xubilación? La seguridá social nun ta en crisis. Son los fondos de pensión privaos los que vamos rescatar cola reforma. Esíxenmos más años de cotización, pero nun dexen de destruir emplegu y d'aumentar los niveles d'esclusión social, hasta'l puntu de qu'una de cada cinco persones vive per debaxo del nivel de la probitú.

¿Tas a favor de que se privaticen servicios básicos? Recórtense los presupuestos d'educación y sanidá pa subvencionar al sector priváu. Privaticen l'alministración o amenorguen los salarios de los emplegaos públicos namás pa pagar les deldes de los especuladores.

¿Ye conveniente tresformar Caxastur nun bancu priváu? Van impedir el so posible usu al serviciu de les persones escontra la especulación financiera y a eliminar cualquier tipu d'obra social. ¿Qué vamos consiguir empara?

¿Tas conforme cola Llei d'extranjería? Quien mos roba viaxa en limusina, non en patera. El paru yá lu había n'Asturies primero de que llegare nengún inmigrante. ¿Por qué persiguir a les persones inmigrantes y non a los especuladores?